

EMBASSY OF THE UNITED STATES OF AMERICA

PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: DhakaPA@state.gov

WEBSITE: <http://dhaka.usembassy.gov>



সংবাদ বিজ্ঞপ্তি

প্রতিবন্ধী মানুষের সহায়তায় যুক্তরাষ্ট্র সরকারের নতুন কর্মসূচি

ঢাকা, ৭ই অক্টোবর -- যুক্তরাষ্ট্র সরকার এর আন্তর্জাতিক উন্নয়ন সংস্থা 'ইউএসএআইডি'-র মাধ্যমে বাংলাদেশে প্রতিবন্ধী মানুষের অধিকার উন্নয়নে একটি নতুন কর্মসূচি শুরুর ঘোষণা দিয়েছে। 'হ্যান্ডিক্যাপ ইন্টারন্যাশনাল' তিন লাখ ডলার ব্যয়ে দুই বছর মেয়াদি "অর্গ্যানাইজেশনাল ক্যাপাসিটি বিল্ডিং টু অ্যাডভোকেট ফর দি পিপল উইথ ডিজঅ্যাবিলিটিজ ইন বাংলাদেশ" শীর্ষক এই কর্মসূচি বাস্তবায়ন করবে। 'হ্যান্ডিক্যাপ ইন্টারন্যাশনাল' বাংলাদেশের প্রতিটি বিভাগে প্রতিবন্ধী মানুষের অধিকারভিত্তিক অ্যাডভোকেসির জন্য তাদের সক্ষমতা বৃদ্ধি করতে প্রতিবন্ধী ব্যক্তিদের সংগঠনগুলোর সাথে কাজ করবে। এই কর্মসূচি হাজার হাজার প্রতিবন্ধী মানুষের অধিকার সংরক্ষণ এবং তা এগিয়ে নেয়ার জন্য তাদের নেটওয়ার্কসমূহকে জোরদার করবে। যেসব সংস্থা প্রতিবন্ধী মানুষের অধিকারসমূহ রক্ষা ও এগিয়ে নেয়ার জন্য কাজ করে থাকে, এই কর্মসূচি তাদেরকে কৌশলগত পরিকল্পনা, আর্থিক ব্যবস্থাপনা, অ্যাডভোকেসি এবং নেটওয়ার্কিং প্রশিক্ষণ প্রদান করবে। এই গুরুত্বপূর্ণ বিষয়টির উপর আলোকপাত করতে এবং এই ক্ষেত্রে সরকারের নীতিমালা ও কর্মপরিকল্পনাসমূহের উন্নয়নে এই কর্মসূচি বাংলাদেশ সরকারের সঙ্গে অংশীদার হিসেবে কাজ করবে।

প্রতিবন্ধিতা এবং অন্তর্ভুক্তিমূলক উন্নয়নের ক্ষেত্রে আন্তর্জাতিক পর্যায়ে নেতৃত্ব দিয়ে আসছে যুক্তরাষ্ট্র। সাম্প্রতিক বছরগুলোতে যুক্তরাষ্ট্র সরকার 'ইউএসএআইডি'-র মাধ্যমে ৩০টিরও অধিক দেশে বিশেষ চাহিদাসম্পন্ন মানুষের অধিকার বিষয়ে সরকার ও জনগোষ্ঠীসমূহের সচেতনতা বৃদ্ধির ওপর অত্যন্ত গুরুত্ব দিয়ে এ সংক্রান্ত বিভিন্ন কর্মসূচির ব্যাপক সম্প্রসারণ ঘটিয়েছে। যুক্তরাষ্ট্র সরকার গত ৩০শে জুলাই 'ইউএন কনভেনশন অন দি রাইট্স অব পিপল উইথ ডিজঅ্যাবিলিটিজ' স্বাক্ষর করেছে।

'ইউএসএআইডি'র মাধ্যমে যুক্তরাষ্ট্র সরকার বাংলাদেশের মানুষ বিশেষত হত-দরিদ্রদের জীবনমান উন্নয়নে কাজ করে যাচ্ছে। 'ইউএসএআইডি' বাংলাদেশে পাঁচটি বৃহত্তর পরিসরে কর্মসূচি পরিচালনা করে থাকে। এগুলো হচ্ছে -- স্বাস্থ্য ও প্রাক-প্রাথমিক শিক্ষার উন্নয়ন, গ্রামীণ দরিদ্র জনগোষ্ঠীর জন্য আয়ের সুযোগ সৃষ্টি, সুশাসনে সহায়তা, খাদ্য নিরাপত্তা বৃদ্ধি এবং দুর্যোগ মোকাবেলা প্রস্তুতি জোরদার করা ও প্রাকৃতিক দুর্যোগ পরবর্তী জরুরি সহায়তা প্রদান। যুক্তরাষ্ট্র সরকার ১৯৭১ সাল থেকে বাংলাদেশকে এ পর্যন্ত শেষ' কোটি ডলারেরও বেশি প্রদান করেছে। ২০০৯ সালে 'ইউএসএআইডি'র পরিকল্পিত সহায়তার মোট পরিমাণ দাঁড়াবে প্রায় ১৭ কোটি ২০ লাখ ডলার।

=====

জিআর/ ২০০৯

দ্রষ্টব্য: এই সংবাদ বিজ্ঞপ্তির ইংরেজি ভাষ্য 'আমেরিকান সেন্টার'-এ পাওয়া যাবে। যদি আপনি ইংরেজি ভাষ্যটি পেতে আগ্রহী হন, তবে 'আমেরিকান সেন্টার'-এর প্রেস সেকশনে (টেলিফোন: ৮৮৩৭১৫০-৮, ফ্যাক্স: ৯৮৮৫৬৮৮; ই-মেইল: DhakaPA@state.gov এবং ওয়েবসাইট: dhaka.usembassy.gov যোগাযোগ করুন।